

BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO  
GRAD SARAJEVO  
OPĆINA NOVI GRAD SARAJEVO  
OPĆINSKI NAČELNIK

Broj: 02/12-23-9858/19 LOT 2  
Sarajevo, 11.06.2019.godine

Na osnovu članova 68. stav (4) tačka h), 69. stav (2) tačke e) i člana 70. stav (1) i (4) Zakona o javnim nabavkama ("Službeni glasnik BiH", broj 39/14) i člana 14. Pravilnika o nabavci roba, vršenju usluga i ustupanju radova broj 09-05-26263/15 od 27.11.2015. godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/12-05-10708/18 od 16.05.2018.godine, Općinski načelnik, d o n o s i

## **ODLUKU O PONIŠTENJU POSTUPKA JAVNE NABAVKE**

### I

Prihvata se preporuka Komisije za javnu nabavku radova i poništava se postupak javne nabavke u predmetu Izvođenje radova na održavanju, zaštiti, rekonstrukciji, izgradnji i obnovi lokalnih i nekategorisanih cesta, trgova i mostova (LOT 1 i LOT 2) – za LOT 2, broj obavještenja 422-1-3-123-3-50/19, objavljenog u Službenom glasniku br. 33/19 dana 10.05.2019.godine i na Portalu JN dana 07.05.2019.godine, obzirom da je jedina zaprimljena ponuda neprihvatljiva i da je ponuđena cijena iste znatno veća od osiguranih sredstava za predmetnu nabavku.

### II

Otvaranje i analizu ponuda provela je Komisija za javnu nabavku radova (u daljem tekstu: Komisija), u skladu sa odredbama Zakona o javnim nabavkama (u daljem tekstu: Zakon/ZJN). Zapisnik sa otvaranja ponuda i Zapisnik o radu Komisije sa preporukom o poništenju postupka javne nabavke u spisu.

### III

Zadužuje se Služba za zajedničke poslove, da ovu Odluku objavi na web stranici Općine [www.novigradsarajevo.ba](http://www.novigradsarajevo.ba), u skladu sa članom 70. stav (6) Zakona o javnim nabavkama.

## ***O b r a z l o ž e n j e***

Odlukom broj 02/12-23-9858/19 LOT 2 od 30.04.2019.godine Općina Novi Grad Sarajevo, pokrenula je otvoreni postupak za dodjelu ugovora u predmetu Izvođenje radova na održavanju, zaštiti, rekonstrukciji, izgradnji i obnovi lokalnih i nekategorisanih cesta, trgova i mostova (LOT 1 i LOT 2) – za LOT 2, broj obavještenja 422-1-3-123-3-50/19, objavljenog u Službenom glasniku br. 33/19 dana 10.05.2019.godine i na Portalu JN dana 07.05.2019.godine. Za predmetnu nabavku bilo je predviđeno provođenje E-aukcije.

Zapisnikom sa otvaranja ponuda od 28.05.2019. godine Komisija je utvrdila je da je u ostavljenom krajnjem roku za otvaranje ponuda, blagovremeno i propisno upakovana dostavljena jedna (1) ponuda i to od ponuđača: AME doo Breza. Zapisnik sa otvaranja ponuda dostavljen ponuđaču na fax.

Formalno-pravnom analizom zaprimljene ponude AME doo Breza, Komisija utvrdila slijedeće:

- Odlukom o pokretanju postupka javne nabavke od 30.04.2019.godine, procijenjena vrijednost javne nabavke bez PDV-a za LOT 2, iznosi 341.880,34 KM, a vrijednost nabavke sa uračunatim PDV-om iznosi 400.000,00 KM. Uvidom u zaprimljenu ponudu, Komisija je utvrdila da je ponuđač za predmetnu nabavku ponudio iznos od 419.847,37 KM sa uračunatim PDV-om. U vezi sa tim, jasno je da ponuđena cijena značajno prelazi iznos odobren Budžetom za predmetnu nabavku, utvrđen u tački 1. stav VIII Odluke o pokretanju postupka javne nabavke.

Uzevši u obzir sve naprijed navedeno, a u skladu sa odredbom člana 69. Zakona o javnim nabavkama, stav (2) tačka e), utvrđeno je da je ponuđena cijena znatno veća od osiguranih sredstava za predmetnu nabavku.

- Tenderskom dokumentacijom u podtački 4.2. Sadržaj ponude stav f) traženo je dostavljanje dokaza o obezbjedenosti opreme naophodne za obavljanje predmetnih radova, a u vezi sa tim i dokaz o obezbjedenosti opreme za dva (2) kipper kamiona, nosivosti preko 10 tona, kako je to opisano u podtački 3.4.1. tenderske dokumentacije stav 4). Kao dokaz o posjedovanju navedenih vozila od ponuđača je traženo da se dostave saobraćajne dozvole. Uvidom u saobraćajnu dozvolu br. AA 1970927, Komisija je utvrdila iz potvrde o registraciji za jedan od 2 tražena kipper kamiona, da je registracija za isti, istekla ranije od dana 28.05.2019.godine predviđenog kao kranji rok za dostavljanje ponuda za ovaj postupak. Ova registracija istekla je u oktobru mjesecu 2018.godine. U vezi sa navedenim, Komisija je stava da navedeni ponuđač nije ispunio uslov tražen u tenderskoj dokumentaciji.

- Uvidom u potvrdu broj 04-27-sl/AA od 23.02.2017.godine, utvrđeno je da ugovor koji ima odgovarajući iznos i istovrstan predmet nabavke, nije zaključen u periodu od posljednje tri godine (2016.-2018.godina) kako je traženo u podtački 4.2. Sadržaj ponude, stav h) tenderske dokumentacije. U vezi sa tim Komisija smatra da ovaj ponuđač nije ispunio uslov u pogledu dokazivanja postojanja potvrde o uspješnom izvršenju ugovora sa istovrsnim predmetom nabavke vrijednosti najmanje 400.000,00 KM sa PDV-om u periodu za posljednje tri godine.

Uzevši u obzir da je Komisija u skladu sa Zakonom, podzakonskim aktima i tenderskoj dokumentaciji i u cijelosti pravilno i potpuno izvršila ocjenu kvalificiranosti zaprimljene ponude, Komisija daje Općinskom načelniku preporuka o poništenju postupka javne nabavke.

Na osnovu navedenog, a u skladu sa odredama člana 68. stav (4) tačka h) i člana 69. stav (2) tačka e) Zakona o javnim nabavkama (Službeni glasnik br. 39/14), odlučeno je kao u dispozitivu Odluke.

#### **Pouka o pravnom lijeku:**

Ponuđač/i koji je sudjelovao/li u ovom postupku mogu radi zaštite svojih prava i pravnih interesa, izjaviti žalbu ugovornom organu u roku od 10 dana od prijema pismene obavijesti (Odluke) o poništenju postupka javne nabavke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila  
Enisa Babić, dipl. pravnik

Dostaviti:

1. Ponuđač/ima
2. Služba za zajedničke poslove
3. A r h i v i u spis

